



**Մահմանների հսկողության և կառավարման  
առաջատար տեխնոլոգիաների կիրառման  
ընդլայնումը Հայաստանում**



Երևան - 2008



Հայաստանի  
Հանրապետության  
Կառավարություն



Միգրացիայի  
միջազգային  
կազմակերպություն



ԱՄՆ պետական  
դեպարտամենտի  
քնրամիջոցների դեմ  
պայքարի և իրավապահ  
համագործակցության բյուրո



«Ավիանիֆտեյ  
ՓԲԸ

## Սահմանների հսկողության և կառավարման առաջատար տեխնոլոգիաների կիրառման ընդլայնումը Հայաստանում

Կազմեցին՝ Քրիստինա Գալստյանը (ՄՄԿ) և Մադլեն Նարինյանը (Ավիաինֆորմ) /  
Անգլերենից թարգմանեց՝ Ն. Հարությունյանը /  
Տպագրության պատրաստեց՝ ՄՄԿ-ի Հայաստանում ծրագրերի մշակման և իրականացման բաժինը:

© Հեղինակային իրավունքը պաշտպանված է: Սույն հրատարակության ոչ մի մաս չի կարող վերարտադրվել, պահպանվել որոնողական համակարգում կամ փոխանցվել էլեկտրոնային, մեխանիկական, պատճենահանման, ձայնագրման կամ այլ եղանակով առանձն հրատարակչի նախնական գրավոր թույլատվության:



Հրատարակիչ՝ Միգրացիայի Միջազգային կազմակերպություն

Սույն հրատարակությունում արտահայտված տեսակետների համար պատասխանատվությունը կրում են հեղինակները, և դրանք անպայմանորեն չեն արտահայտում ԱՄՆ Կառավարության դիրքորոշումը կամ քաղաքականությունը:

Սույն հրատարակությունում արտահայտված կարծիքները կարող են չհամընկնել ՄՄԿ-ի կամ նրա անդամ-պետությունների պաշտոնական տեսակետների հետ:

*Միգրացիայի միջազգային կազմակերպությունը (ՄՄԿ) առաջարկար կազմակերպություն է, որն աշխատում է միգրանտների և երկրների կառավարությունների հետ՝ մարդասիրական օժանդակությամբ արձագանքելով միգրացիայի մարտահրավերներին: Սրեդովելով 1951 թվականին Եվրոպայում տեղահանված մարդկանց վերաբնակեցման առաքելությամբ՝ այսօր ՄՄԿ-ն ունի ավելի քան 400 գրասենյակներ ողջ աշխարհում և իրականացնում է 1770-ից ավելի ծրագրեր: ՄՄԿ-ի ծրագրային ու օպերացիոն աշխատակիցների թիվը 5600 է, իսկ ծրագրերի համար նախատեսված բյուջեն գերազանցում է 783,8 միլիոն դոլարը: Որպես միջ-կառավարական կառույց՝ ՄՄԿ-ը միավորում է 125 անդամ և 16 դիրքորոշ երկրներ: Այն հանդես է գալիս Միավորված ազգերի կազմակերպությունում դիրքորոշի կարգավիճակով և կնքել է համագործակցության պաշտոնական համաձայնագրեր ՄՄԿ-ի բազմաթիվ գործակալությունների հետ: ՄՄԿ-ը աշխատում է միգրացիայի կառավարման չորս հիմնական ուղղություններով: Դրանք են միգրացիան և զարգացումը, միգրացիայի կարգավորումը, հարկադիր միգրացիայի խնդիրների կարգավորումը և միգրացիայի դյուրինացումը:*

*Միգրացիան համարվում է քսանմեկերորդ դարի սկզբի հանգուցային նշանակություն ունեցող գլոբալ հարցերից մեկը, քանի որ այսօր, ավելին քան մարդկության անցած փուլերից որևէ մեկում, գնալով մեծամասն է տեղաշարժվող մարդկանց թիվը: Ներկայումս մոտավորապես 192 միլիոն մարդ (կամ աշխարհի բնակչության շուրջ երեք տոկոսը) ապրում է իր ծննդավայրից դուրս: Այս պայմաններում գնալով բարդանում է միգրացիայի կառավարումը, որն անմիջականորեն առնչվում է տնտեսական ու սոցիալական զարգացմանը, մարդու իրավունքներին, անվտանգությանը, կայունությանը և տարածաշրջանային համագործակցությանը: Այսօր համագործակցության միջոցով միգրացիոն հարցերը համապարփակորեն լուծելու ունակությունը համարվում է պատասխանատու ազգային կառավարման, միջազգային արդյունավետ հարաբերությունների և միջազգային կամ տարածաշրջանային կառույցներին լիիրավ անդամակցության հիմնարար պահանջներից մեկը:*

*Անձնագրերի ու վիզաների համակարգերը, ներգաղթի համակարգերը և սահմանների կառավարման համակարգերը այն գործընթացներն են, որոնց միջոցով պետությունները կառավարում են միգրացիան: Նշված գործընթացներն ապահովում են սահմանների մշտական վերաբաժանման, հաստատման և վարչարարության կառավարման շրջանակը (հաստատված սահմանային տարածքներում կամ գոտիներում աշխատանքների ու շարժի կարգավորման կանոնները, եղանակներն ու ընթացակարգերը): Սահմանների արդյունավետ կառավարումը պետք է ուղղված լինի*

տեղական, տարածաշրջանային և անդրազգային հանցագործությունների կանխմանն ու բացահայտմանը:

Անկախության հռչակումից ի վեր միգրացիայի կառավարումը եղել է Հայաստանի Հանրապետության (ՀՀ) գերակա առաջնահերթություններից մեկը: 1990-ականներից սկսած ՄՄԿ-ը աջակցում է Հայաստանի Կառավարությանը միգրացիայի կառավարման կարողությունների բարելավման ուղղությամբ:

ԱՄՆ Կառավարության կողմից ֆինանսավորվող ծրագրերի միջոցով ՄՄԿ-ը աջակցում է Հայաստանի Կառավարությանը՝ Սահմանային Էլեկտրոնային կառավարման տեղեկատվական համակարգը (BMIS, ՄԿՏՀ) ընդլայնելու և սահմանի հատման հիմնական հսկիչ անցագրային կետերը ՄԿՏՀ-ում ընդգրկելու խնդրում՝ նպատակ ունենալով ստեղծել միասնական համակարգ և ապահովել Հայաստանում միգրացիոն գործընթացների կառավարման գործառնական կարողության գորացումը:

ՄԿՏՀ-ը գործառնական լուծումների ամբողջական ծրագրային համակարգ է, որը միավորում է միգրացիայի դյուրիմացման և կառավարման բոլոր ասպեկտները՝ ապահովելով սահմանների անվտանգությունն ու հսկողությունը: Այն համապատասխանում է ցանկացած տիպի սահմանի (օդային, ծովային, ավտոճանապարհային կամ երկաթուղային) տեխնոլոգիական պահանջներին: ՄԿՏՀ-ը մշակվել է «Ալիսահինֆուրել ՓԲԸ-ի կողմից, որը հայտնի է միջազգային օդանավակայանների կառավարման, գույքի և ռեսուրսների տարածքային կառավարման, գլոբալ տեղեկատվական համակարգերի կառավարման ոլորտներում իր տեխնոլոգիական լուծումներով:

ՄԿՏՀ-ը առաջին անգամ ներդրվել է Երևանի «Չվաթնոց միջազգային օդանավակայանում 1999 թվականին: «Միգրացիայի կառավարման կարողությունների գորացում» ծրագրի շրջանակում 2000 թ.-ին ՄՄԿ-ը կատարեց Հայաստանում սահմանների կառավարման գնահատում: ՀՀ Կառավարությանը ներկայացված գնահատման հաշվետվության հիման վրա ՀՀ Ազգային անվտանգության ծառայությունը (ԱԱԾ) նախատեսեց սահմանային բոլոր հսկիչ կետերը ՄԿՏՀ-ում ընդգրկելու, սահմանների տվյալների սինխրոնացման և սահմանահատման գործընթացի ղեկավարման ամբողջական ցիկլի հաստատման աշխատանքները:

ՀՀ Կառավարությունը հրավիրեց ՄՄԿ-ին մասնակցելու ՄԿՏՀ-ի ընդլայնման ջանքերին: Այդ նպատակով ՄՄԿ-ը նախատեսեց համակարգի անկախ տեխնիկական գնահատում: 2004-2005 թթ. ԱՄՆ Պետական դեպարտամենտի Թմրամիջոցների դեմ պայքարի և իրավապահ համագործակցության բյուրոյի կողմից ֆինանսավորվող «Սահմանային կառավարման տեղեկատվական համակարգի ընդլայնում» ծրագրի շրջանակում ՄԿՏՀ-ը ընդլայնվեց՝ իր ցանցում ներառելով Վրաստանի Հանրապետության հետ ցամաքային սահմանի Բագրատաշենի հսկիչ անցագրային

կետը: 2007-2008թթ. ԱՄՆ Կառավարության, ՀՀ Կառավարության և «Ալիսահինֆուրել ՓԲԸ-ի ֆինանսավորմամբ իրականացվող «Սահմանների կառավարման համակարգի ցանցի սրելծում և հեղուկացում» Հայաստանի Հանրապետություն» ծրագրի շրջանակում ՄԿՏՀ-ում ընդգրկվեցին Իրանի հետ ցամաքային սահմանի Մեդրիի հսկիչ կետը, Գյումրի օդանավակայանը և Վրաստանի հետ սահմանի վրա գործող ևս երեք հսկիչ անցագրային կետեր (Բավրայի և Գոգավանի ցամաքային հսկիչ կետերը և Այրումի երկաթուղային կայարանը): Ներկայումս սահմանային երկու այլ կետերում (Վրաստանի հետ սահմանի վրա գործող Պրիվոլնոյե և Ջիլիզա հսկիչ կետերում) ընթանում են ՄԿՏՀ-ի ներդրման աշխատանքները, որոնք ֆինանսավորվում են ՀՀ Կառավարության կողմից:

ՄԿՏՀ-ի ընդլայնումը համահունչ է ՀՀ Կառավարության սահմանների կառավարման բարեփոխումներին: 2006թ. հունիսի 22-ի ՀՀ Կառավարության «ՀՀ սահմանային էլեկտրոնային կառավարման տեղեկատվական համակարգի ներդրման մասին թիվ 884-Ն որոշման և նրա «Իրականացման ժամանակացույց -ի համաձայն, ՄԿՏՀ-ին պետք է միանան հետևյալ մարմինները. (ա) ՀՀ Գլխավոր դատախազությունը, (բ) ՀՀ Արդարադատության նախարարությունը, (գ) ՀՀ Արտաքին գործերի նախարարությունը, (դ) ՀՀ Տրանսպորտի և կապի նախարարությունը, (ե) ՀՀ Պաշտպանության նախարարությունը, (զ) ՀՀ ԱԱԾ-ը, (է) ՀՀ Ոստիկանությունը, (ը) ՀՀ Քաղաքացիական ավիացիայի վարչությունը, (թ) ՀՀ Ազգային վիճակագրական ծառայությունը, (ժ) Միգրացիոն գործակալությունը, (ի) Հարկային ծառայությունը և (յ) դատարանները: Անվտանգության և ազգային պաշտպանության խնդիրների համար տրվում է տեղեկատվական ողջ բազայի ծավալից օգտվելու իրավունք: Տվյալները պահվում են յոթ տարի ժամկետով: Այլ նպատակներով ՄԿՏՀ-ի տեղեկատվական բազայից տվյալները կարող են տրամադրվել միայն սահմանափակ ժամանակաշրջանների համար: Նման տեղեկատվության ստացման և օգտագործման իրավունքը տրվում է միայն դատական որոշման հիման վրա: Կոնկրետ հարցերի վերաբերյալ տվյալների փոխանակում ապահովելու նպատակով ՄԿՏՀ-ը կարող է ցանցային կապ հաստատել արտաքին գործակալությունների հետ, ներառյալ. (ա) օտարերկրյա պետությունների հյուպատոսությունները և առաքելությունները, (բ) Ինտերպոլի տեղեկատվական բազաները, (գ) ճանապարհորդային / փոխադրող ընկերությունները (օրինակ՝ ավիատղիները, երկաթուղային, մայրուղային փոխադրումներ իրականացնող ընկերությունները), և (դ) լիազորված գործակալությունները (օրինակ՝ ճանապարհորդային/ տոմսերի ամրագրման ու վաճառքի/զբոսաշրջային ընկերությունները):

Շարունակվում են Հայաստանի սահմանային բոլոր հսկիչ կետերը ՄԿՏՀ-ում ընդգրկելու աշխատանքները, որովհետև Կառավարությունը կարևորում է սահմանների հսկողության բարձր արդյունավետ տեխնոլոգիաների նշանակությունն այսօրվա գլոբալացված աշխարհում: Գլոբա-

լացման հետևանքով աճել է ուղևորությունների թիվը, որը տվել է բազմաթիվ դրական արդյունքներ: Ինչևէ, այն ուղեկցվում է նաև բացասական և անցանկալի երևույթներով, ինչպիսիք են թրաֆիքինգն ու մաքսանենգությունը, ապրանքների ապօրինի փոխադրումներն ու միջազգային ահաբեկչությունը, որոնք հնարավոր է կանխարգելել՝ ելքի, տարանցիկ և ընդունող երկրներում միգրացիայի կառավարման կարողությունների հզորացման միջոցով: ՄՄԿ-ը համոզված է, որ լավ կառավարվող միգրացիան շահեկան է և՛ միգրանտների, և՛ հասարակությունների համար:



*Սահմանապահը ստուգում է ուղևորի անձնագիրը*

Այսօր ՄԿՏՀ-ի շնորհիվ Հայաստանի սահմանների հատման հսկիչ կետերն ապահովված են սահմանների արդյունավետ հսկողության և կառավարման ժամանակակից տեխնոլոգիական լուծումներով:

Հսկիչ կետերում տեղադրված լուրջ սահմանների հսկողության համակարգերի սինխրոնացման նպատակով ներդրվել և գործարկվել է ՄԿՏՀ-ի կենտրոնական հանգույցը:

Մինխրոնացված համակարգի շնորհիվ առավել արդյունավետ և ամբողջական է դառնում տարանցիկ տեղաշարժերի հսկողությունը, ներառյալ.

- ⇒ տարանցիկ փոխադրամիջոցների նույնականացումը,
- ⇒ վիզայի ժամկետների խախտման դեպքերի նույնականացումը,
- ⇒ սահմանի վրա որպես «տրանսպորտային միջոց կամ «տարանցիկ փոխադրման մեջ գտնվող գրանցված, սակայն հետագայում երկրի տարածքում ապամոտաժված և մասերով վաճառված ավտոմեքենաների դեպքերի վերհանումը:


Մինխրոնացված համակարգի միջոցով ցանկացած հսկիչ կետում սահմանապահը կարող է հարցում կատարել և ստանալ ուղևորների ու ավտոմեքենաների կողմից նախկինում սահմանի հատման և վիզաների ստացման բոլոր տվյալները, անկախ նրանից, թե նրանք մուտքի/ելքի որ կետով են հատել սահմանը:

ՄԿՏՀ-ի շնորհիվ սահմանների կառավարման կենտրոնական մարմինը կարող է.

- ⇒ կատարել ուղևորների/փոխադրամիջոցների հոսքերին վերաբերող բարդ վերլուծական հարցումներ,
- ⇒ կատարել մոտավոր հարցումներ և ստանալ բավարար պատասխաններ, նույնիսկ եթե հարցումը և/կամ տվյալների բազայի տեղեկատվությունը ճշգրիտ չէ,
- ⇒ ստանալ բավարար տեղեկատվություն անգամ եթե հարցում կատարողն ունի հարցման առարկայի միայն վիճակագրական նկարագրություն,
- ⇒ ստանալ միգրացիայի վերաբերյալ ինտեգրալ հաշվետվություններ:

ՄԿՏՀ-ի սահմանների կառավարման հիմնական գործառնությունները ներառում են հետևյալը.

- ⇒ օրինական միգրացիայի դյուրինացում, սահմանների անվտանգություն և հսկողություն,
- ⇒ անօրինական միգրացիայի, մարդկանց թրաֆիքինգի, թմրանյութերի և զենքի անօրինական առևտրի կանխարգելում,
- ⇒ վիզայի համար դիմորդի տվյալների անալիտիկ համեմատում մերժված վիզաների տվյալների բազայի հետ,
- ⇒ վկայի կողմից իրական պատկերի վրա փնտրվող անձին հեռակա մատնանշումը,
- ⇒ վիզաների ձևակերպում և տրամադրում /էլեկտրոնային վիզա,
- ⇒ փոխադրամիջոցների և բեռների սահմանահատման կառավարում, տարանցիկ շարժերի նկատմամբ հսկողություն,
- ⇒ միգրացիայի (արտագաղթի, ներգաղթի) միտումների, փախստականների և ապաստան հայցողների, գործնական, ուսման և զբոսաշրջության նպատակներով ճանապարհորդող անձանց, անօրինական միգրացիայի, մարդկանց մաքսանենգության, թրաֆիքինգի և այլ տվյալների վերլուծություն,
- ⇒ սահմանային հսկողության և կառավարման վերաբերյալ միջկառավարական համաձայնագրերի իրականացում,
- ⇒ սահմանային կետերի ենթակառուցվածքի և ռեսուրսների կառավարում,
- ⇒ իրավապահ մարմինների միջև սահմանահատումների մասին տվյալների փոխանակման դյուրինացում:



ՄԿՏՀ ցանցը

**ՄԿՏՀ-ը ունի հետևյալ հնարավորությունները.**


- մուտքի և ելքի հոսքերի մշտական վերահսկում, ժամանումների և մեկնումների համապատասխանության ստուգում՝ վիզայի ժամկետների խախտումների կամ կորած մարդկանց բացահայտելու համար:
- հետախուզման մեջ գտնվող անձանց մասին ահազանգում՝ վիզաների ձևակերպման, սահմանի վրա մուտքի ու ելքի ժամանակ անձի, փաստաթղթի, բեռների կամ փոխադրամիջոցի բազմակողմ ստուգումներ ԱԱԾ-ի, ոստիկանության, ինտերպոլի և այլ տեղեկատվական բազաների հետ: Հետախուզման մեջ գտնվող անձանց մասին հասցեագրված հաղորդագրություն ուժային կառույցների համապատասխան աշխատակիցներին:
- հարցումների և հաշվետվությունների լայնածավալ հնարավորություն ոչ հզոր կապուղիների պարագայում:
- հարմար է օգտագործման համար: Տվյալների կրկնակի մուտքագրման բացակայություն, քանի որ առկա տվյալները հասանելի են

համակարգի ցանակացած հատվածում: Բացի այդ համակարգը հասանելի է IP կապով ապահովված օգտվողին՝ անվտանգության բարձր մակարդակի ապահովմամբ:

Համակարգում կիրառված են ժամանակակից տեխնոլոգիաներ: Համակարգն աշխատում է փաստաթղթեր կարդացող/լուսանկարող սարքերի, տվյալները հեռահար կարդացող, կենսաչափական տվյալներ գրանցող և կարդացող սարքերի հետ: Համակարգն ինտեգրում է երկրատեղեկատվական տեխնոլոգիա, աշխատում է SMS, GPRS պրոտոկոլներով, համապատասխանում է Քաղաքացիական ավիացիայի միջազգային կազմակերպության հանձնարարականներին և այլ ստանդարտներին:



*Իրական ժամանակում իրականացվող վարույթը սահմանի հսկիչ անցագրային կետում: Հեռակա դիտորդը կարող է հեղուկ սահմանի հայրման հսկիչ կետում տեղադրված տեսախցիկի նկարահանմանը և անհրաժեշտության դեպքում պարկերի վրա մատնանշել հեղաբեռության առարկան:*



Անձը հասարակող փաստաթղթերի տեղեկատվական համակարգը

**ՄԿՏՀ-ի որոշ կարևոր առանձնահատկությունները.**

- Տարբեր երկրների կողմից թողարկված անձը հաստատող/ճամփորդական/ անվտանգության փաստաթղթերի (օրինակ՝ անձնագրերի) բոլոր հատկանիշները պարունակող տեղեկատվական բազա՝ փաստաթղթերի տեսակները, սերիական համարների ձևաչափերը, էջերի քանակը, անվտանգության նշանները, կազմի արտաքին տեսքը, կազմման տեսակը, էջերի չափսերը, անվտանգության պիտակների ձևը և այլն:
- Տարբեր երկրների կողմից թողարկված փաստաթղթերի կարևոր էջերի շատ բարձր որակի (15 մեգապիքսել) պատկերների ցուցադրում, լուսավորման տարբեր պայմանների (սպիտակ լույս, ուլտրամանուշակագույն, ինֆրա-կարմիր) և լույսի տարբեր անկյան տակ երևացող անվտանգության նշանների, ինչպես նաև միկրոպրինտների, հողգրամների և այլ նշանների բարձրորակ ցուցադրում:
- Պարունակում է տեղեկատվություն ինչպես իսկական, այնպես էլ կեղծված փաստաթղթերի վերաբերյալ: Տեղեկատվական բազան ներառում է մեծ թվով տարբեր երկրների անձնագրերի նմուշները, և այն շարունակաբար համալրվում է նոր տվյալներով:
- Տարբեր երկրների հյուպատոսական ծառայությունները կարող են կորած կամ անվավեր հայտարարված փաստաթղթերի տվյալները փոխանակել համակարգի միջոցով:
- Տարբեր երկրների հատուկ գործակալությունները կարող են համա-

կարգում տեղադրել իրենց կողմից հայտնաբերված կեղծ փաստաթղթերի նկարները, որից հետո բացահայտված կեղծումների մասին տեղեկատվությունը առցանց հասանելի կլինի համակարգն օգտագործող բոլոր պետությունների սահմանապահներին:

Անձը հաստատող փաստաթղթերի տեղեկատվական համակարգից (ՓՏՀ) հնարավոր է օգտվել շուրջօրյա: Օգտվողներից պահանջվում է միան համակարգիչ՝ առանց հատուկ ծրագրային միջոցների տեղադրման, սովորական ինտերնետային կապ և ինտերնետ բրաուզեր:

Սահմանային կառավարման բարեփոխումները կշարունակվեն Հայաստանում, և հանրապետությունում առկա է հետագա աշխատանքների իրականացման ներուժը: Վերջիններս կներառեն հետևյալ ուղղությունները.

- (i) Ինտեգրված ՄԿՏՀ-ի իրականացումը: Միգրանտների մասին տեղեկատվության փոխանակման միջավայրի ստեղծում՝ մարդկանց թրաֆիքինգի և մաքսանենգության կանխման նպատակով, ինչպես նաև ռեադմիսիայի ենթակա անօրինական միգրանտների նույնականացման օժանդակելու նպատակով: Այս ծրագրի նպատակն է թրաֆիքինգի փաստացի կամ հավանական զոհերին հնարավորություն տալ առցանց կապի միջոցով իրավապահ մարմիններին տեղեկացնել իրենց միգրացիոն պրոբլեմների մասին: Հասանելիության և օգտագործման տեսանկյունից ծառայությունը պետք է լինի դյուրին: Հասանելիություն.

**Ամենուր՝**

- Ինտերնետի միջոցով
- Ինտերնետային դանդաղ (հեռախոսային) կապի օգտագործելիություն
- Օգտվողի աշխատատեղի նկատմամբ հատուկ պահանջների բացակայություն
- Հատուկ ծրագրային փաթեթի տեղադրման անհրաժեշտության բացակայություն (ստանդարտ web բրաուզերը բավարար է),
- Հասանելիություն՝ նաև ընդհանուր օգտագործման ռադիոկապի փաթեթի (GPRS), կարճ հաղորդագրությունների ծառայության (SMS) պրոտոկոլների միջոցով աշխատող ձեռքի շարժական սարքերի միջոցով:

### **Յուրաքանչյուրի համար՝**

- Տվյալների բազմալեզու մուտքագրում և դիտում
- Օգտագործողի համար հարմար ինտերֆեյս
- Ծրագրային փաթեթների տեղադրման բացակայություն՝ օգտվողից չի պահանջում տեխնիկական հմտություններ:

### **Ցանկացած պահին՝**

- Լավ կազմակերպված տվյալների կենտրոնները ծառայությունը կդարձնեն շուրջօրյա և առանց խափանումների:

(ii) Ինքնությունը հաստատող փաստաթղթերի տեղեկատվական համակարգի (ՓՏՀ) ներդրում՝ ուղղված ազգային, տարածաշրջանային և միջ-տարածաշրջանային խնդիրների իրագործմանը:

ՄՄԿ-ը կշարունակի աջակցել ՀՀ Կառավարությանը սահմանների կառավարման և միգրացիայի կառավարման բարեփոխումների իրականացման գործում:



IOM International Organization for Migration  
OIM Organisation Internationale pour les Migrations  
OIM Organización Internacional para las Migraciones

### **Միգրացիայի միջազգային կազմակերպություն Հայաստանյան առաքելություն.**

Հայաստան • Երևան 0010 • ՄԱԿ-ի գրասենյակ • Պետրոս Ադամյանի  
փողոց 14, 1-ին հարկ  
Հեռ.՝ (+374 10) 58 56 92 • 58 37 86 • Հեռապատճեն՝ (+374 10) 54 33 65  
• Էլ. փոստ՝ iom@iom.am • <http://www.iom.int/armenia>



«Գևորգ-Յրայր ՍՊԸ  
Երևան, Գրիգոր Լուսավորչի 6  
Հեռ.՝ 527974, 527947  
Էլ. փոստ՝ lusakn@rambler.ru